



Basel, kurz vorhär

Sällä Schrobbekepf,

S ruggt wie lätz und s isch glaub Zyt zem sich moralisch uff die drey scheenschte Daag gfasst z mache (im Verlauf vo däre Wuche wärde sicher au no die schlimmschte "Antifasnächtler" (gäll Kasi) zer Raison koh). Basset also Eyri Larven aa, nit dass Er scho noo kurzer Zyt kuum meh wyter meeget. Doch Schpass uff s Moped, do isch

S FASNACHTSPROGRAMM:

Mer dräffen ys am 11⁰⁰ under em Schpaledor und laufe dernoode (de WC noo) gässelnd (!) dur d Altschtadt. Ebben am 13⁰⁰ wärde mer in dr Fischerschtube e zimftigs Aesse zuen ys näh (noo letschte Ermittlige wärde mer in Gnuss (gäll Pipsi) vo Läberli mit Reschti koh (schschaber no lang nyt Definitivs). Definitiv isch erscht efang s Ueli-Bier (gäll Pipsi). Am Noomidaag gehn mer wider uff d Gass. Mer nämme gärn no Vorschleeg fir e "Gratis-zvieri" entgege.

Am fimf vor halber achti laufe mer vor em Merkur y und beschliesse dä gmainsam Daag mit eme heerlige (?) Schtändeli.

Wenn ebbis no unklar sotti si, schtehn mer gärn fir Usskift zer Verfieigig.

Jetzt winsche mir Eych scheeni Fescht daag, und hoffe, dass gwissi Schutzgattere au no zer Ysicht kemme, und mergge wo sy aanegheere.

Mit fasnächtliche Griess

dr Vorschtand

P.S. E Programm fir dr Bummel sott no koh, wenn die beschtehende Schwirigkaite no behobe wärde kenne (hett dr Presis gsait).